

Concello de Viveiro

CONVENIO INTERADMINISTRATIVO ENTRE O CONCELLO DE VIVEIRO E O CONCELLO DE LUGO PARA O NOMEAMENTO DE INSTRUTOR NUN PROCEDEMENTO DISCIPLINARIO AO RESPECTO DO OFICIAL DA POLICÍA LOCAL DO CONCELLO DE VIVEIRO.

En Viveiro, á data que consta á marxe.

REUNIDOS

Dunha parte D^a. María Loureiro García, Alcaldesa do Excmo. Concello de Viveiro, actuando en nome e representación do Excmo. Concello de Viveiro.

Doutra parte, D^a Paula Alvarellos Fondo, Alcaldesa do Excmo. Concello de Lugo, actuando en nome e representación do Excmo. Concello de Lugo.

En virtude das competencias conferidas polo artigo 21.1 da Lei 7/1985, de 2 de abril, Reguladora das Bases de Réxime Local.

EXPOÑEN

I.- Tendo en conta a situación excepcional acaecida no corpo da Policía Local do Concello de Viveiro, tramitouse un expediente de investigación e actuacións previas, que se atopa conluído. Como resultado das conclusións do expediente tramitado, por parte deste Concello procede -sen prexuízo do resultado que derive do procedemento a tramitar, e sen prexulgar o fondo do asunto, e baixo os principios xerais e determinados na normativa específica de aplicación ao réxime disciplinario da Policía Local, que comprende esencialmente os dereitos á presunción de inocencia, información, defensa e audiencia- a incoación de procedemento disciplinario ao respecto do Oficial da Policía Local deste Concello.

II.- Resultando que o Concello de Viveiro non conta con persoal de escala e categoría igual ou superior á do funcionario presuntamente infractor sobre o que se recae o procedemento disciplinario, é polo que, de acordo co disposto no artigo 87.5 da Lei 4/2007, de 20 de abril, de coordinación de policía locais de Galicia, en concordancia co principio de colaboración interadministrativa recollido no artigo 141.1d) da Lei 40/2015, de 1 de outubro, de Réxime Xurídico do Sector Público, se solicita a colaboración doutra Administración Local para o nomeamento de instrutor deste procedemento.

III.- Con base no anterior, en data 10 de decembro de 2024 solicitouse ao Concello de Lugo, como concello de maior poboación da provincia, polo que podería contar con maior número de persoal das categorías e escalas superiores no Corpo da Policía Local, que se designase a un funcionario do Corpo da policía local de escala e categoría igual ou superior á de oficial, preferentemente conforme indica a Lei 4/2007, de categoría ou escala superior, co fin de que puidese nomearse instrutor do procedemento disciplinario a incoar por este Concello, para o que se formalizaría, no seu caso, o correspondente convenio interadministrativo.

IV.- A sinatura deste convenio fundaméntase na cooperación interadministrativa prevista no artigo 57 da LRBRL, en consonancia coas competencias municipais en materia de policía local, no ámbito de colaboración e cooperación entre Administracións, en consonancia co disposto na Lei 4/2007, do 20 de abril, de coordinación de Policía Locais de Galicia, e regulamento de desenrolo, como actuación de colaboración interadministrativa, baixo os principios establecidos na Lei 40/2015, de 1 de outubro, de Réxime Xurídico do Sector Público.



Concello de Viveiro

CLÁUSULAS

Primeira.- Obxecto.

O obxecto do presente convenio é establecer as bases de colaboración entre o Concello de Viveiro e o Concello de Lugo para levar a cabo a instrucción dun procedemento disciplinario ao respecto do Oficial da Policía Local, ao carecer de medios no Concello de Viveiro para a súa instrucción conforme contempla o artigo 87.5 da Lei 4/2007.

O Concello de Lugo comprométese a proporcionar persoal propio para levar a cabo a instrucción do procedemento disciplinario, designando a un funcionario do Corpo da policía local de escala e categoría igual ou superior á de oficial, preferentemente conforme indica a Lei 4/2007, de categoría ou escala superior, co fin de que poder ser nomeado instrutor do procedemento disciplinario a incoar por este Concello.

Segunda.- Actuacións a levar a cabo por parte do Concello de Lugo.

O Concello de Lugo unha vez rematada a instrucción do procedemento disciplinario, remitirá ao Concello de Viveiro certificación acreditativa das horas de realización da instrucción (con indicación do horario e días que nos que se realizou).

Terceira.- Financiación e gastos derivados do convenio.

O Concello de Viveiro aboará ao Concello de Lugo a cantidade resultante segundo os servizos efectivamente prestados, estimando un máximo de 150 horas. Esta cantidade calcularase tomando como referencia, polos servizos extraordinarios prestados, o valor /hora de 47,49 € segundo o salario previsto no Concello de Viveiro para a praza de inspector, que será aboado polo Concello de Lugo na correspondente nómina ao Inspector do Corpo da Policía Local, ascendendo en consecuencia o custo máximo a 7.123,50 euros. O Concello de Viveiro tamén aboará ao Concello de Lugo a cantidade correspondente aos custos da Seguridade Social polos referidos servizos. Esta cantidade deberá ser aboada no prazo máximo de tres meses dende a recepción da certificación acreditativa referida na cláusula anterior.

O Concello de Lugo deberá proceder aos abonos correspondentes ao Inspector do Corpo da Policía Local que prestou o servizo e á Seguridade Social. O Concello de Viveiro quedará exento de calquer responsabilidade que se derive deste incumprimento.

Cuarta.- Vixencia.

O presente convenio terá vixencia ata o 31 de decembro de 2025, e as actuacións de instrucción deberán realizarse no prazo máximo de seis meses dende o acordo de incoación, establecido como prazo de caducidade do procedemento.

Quinta.- Consecuencias en caso de incumprimento.

O Concello de Viveiro, no suposto de incumprimento de pago, no prazo establecido, indemnizará ao Concello de Lugo cos xuros que legalmente correspondan.

O Concello de Lugo será o único responsable de proceder aos abonos correspondentes ao Inspector do Corpo da Policía Local que prestou o servizo e á Seguridade Social. O Concello de Viveiro quedará exento de calquer responsabilidade que se derive deste incumprimento.

Sexta.- Comisión de seguimento, vixilancia en control.



Concello de Viveiro

Ante calquera dúbida de interpretación na aplicación do convenio ou no caso de considerase necesaria a súa constitución por calquera das partes, constituirase unha comisión mixta, integrada por dous representantes de cada unha das partes.

Esta Comisión terá como función a interpretación do convenio e a resolución das discrepancias que poidan xurdir durante a súa vixencia.

Sétima.- Natureza.-

O presente convenio ten natureza administrativa, séndolle de aplicación o artigo 12.2 da Lei 9/2017, de Contratos do Sector Público, polo que queda fóra da súa aplicación, rexéndose polas estipulacións contidas no mesmo.

Oitava.- Causas de extinción.

Establécense como causas de resolución as seguintes:

- Transcurso do prazo de vixencia establecido.
- Acordo mutuo entre as partes.
- Incumprimento das obrigas e compromisos asumidos por parte dalgunha das partes asinantes.

En proba de conformidade, as partes asinan por cuaduplicado exemplar na data e lugar indicados no encabezamento.

Polo Concello de Viveiro,
A Alcaldesa

Polo Concello de Lugo,
A Alcaldesa

Asdo.- María Loureiro García

Asdo.- Paula Alvarellos Fondo

(Documento asinado dixitalmente á marxe)

